

Iscrizions a tacâ di Vinars 16 fintremai a Miercus 28 di Fevrâr

CORS DI LENGHE FURLANE PAR DIPENDENTS

PUBLICS, PAR STUDENTS E PAR CITADINS

Cinc percors di studi cun nivei e specializacions diversificâts

Cors gratuits, in grazie dai finanziaments de Leç 482/1999 su la tutele des minorancis linguistichis storichis, di lenghe furlane su diviers nivei, tacant dai principiants assolûts fin ae specializazion in traduzion di setôr e al inzornament dai operadôrs linguistics. A imaneâju al è il Centri di Ricerche su la culture e la lenghe dal Friûl (Cirf) de Universitât dal Friûl, tes sedis di Udin. Gurize e Pordenon. Destinâts al personâl tecnic aministratîf, docent, ricercjadôr, a chês altris figuris professionâls dal Atenu (assegniscj, borsiscj, dottorants) e in plui ai dipendents di ducj i rûi des altris Aministrazions publichis, i cors a son vierts ancje ai students e ai citadins interessâts in cualitât di uditôrs. I obietîfs dai cinc percors di aprendiment, de durade di 30 oris, a son chei di rivâ a cognossincis similis a chês previodudis dai nivei A2, B1, C1, dal cuadri di riferiment european des lenghis e cjapâ sù e svilupâ capacitâts linguistichis superiôrs par davuelzi ativitâts aministrativis in lenghe furlane, cun riferiment particolâr ae traduzion di tescj cun contignûts tecnicos setoriâi, juridics aministratîfs, ae ativitât di progetazion e di politiche linguistiche.

La schede informative dai cors e i moduli di adesion si ju cjate in linie te direzion www.uniud.it/cirf sot de vôs “Cors 2007”. I dipendents des Amistrazions Publichis e i uditôrs interessâts a varan di notâsi mandant al Cirf, tacant **di Vinars 16 fin a Miercus 28 di Fevrâr**, il modul (discjamât dal sît) vie fax al 0432 556481. Invezit il personâl interni dal Ateneu di Udin si notarà dret ae Ripartizion personâl, sezion formazion, doprant il modul pe ativitât formative interne tacant **di lunis 26 fintremai ai 28 di Fevrâr** e inviantlu vie fax al n. 0432 556339. Lis iscrizions si acetaran in ordin cronologjic man a man che a rivin. I participants a varan di frecuentâ almancul l’80% des oris dal cors par jessi ametûts al exam finâl, par vê l’atestât e par viodisi ricognossûts i credits formatîfs. La organizazion didatiche e il coordinament dal cors a son in man al Cirf che si pues contatâ al numar 0432 556480 o par pueste eletroniche ae direzion cirf@uniud.it.

I corsiscj, dongje dai materiâi didatics su lis leziions, a varan, sore nuie, il Cd musicâl che al à vinçût il premi “Musiche”2006, l’abonament ai mensîi “Il Diari” e “La Patrie”, il Cd-Rom dal dizionari e dal coretôr ortografic furlan, e i doi volums “Friulano Lingua Viva”, “La tutela delle minoranze linguistiche” e altris publicazions specifichis. Chei che no an fat i cors dal 2006 a varan ancje il Cd-Rom dal “Grant vocabolari bilengâl talian-furlan” e i volums “Scrivere in friulano” e “Lezioni di lingua e cultura friulana”. I cors a son strutturâts in 14 leziions di 2 oris ognidune par 2 voltis a setemane plui un exam finâl di valutazion dal aprendiment di 2 oris.